

## AVISU PÙBLICU PRO S'ATIVATZIONE DE 229 TIROCÌNIOS FORMATIVOS IN ENTIDADES PRIVADAS CHI FAGHENT ATIVIDADE ECONÒMICA

### ***Iscadèntzia: 6 de nadale 2013***

Si faghet ischire chi est istadu publicadu s'avisu de sa Provìntzia de Aristanis pro s'ativazione de sos tirocìnios formativos.

### DESTINATÀRIOS

Su bandu est pro sos disocupados/inocupados iscritos a unu de sos CSL de sa provìntzia de Aristanis, chi tenzant a su nessi 16 annos e cun sa tertza mèdia

### CHIE LEAT A TRABALLARE

**Impresas privadas individuales o coletivas** iscritas in su rezistru de sas impresas o liberos profesionistas iscritos in s'albu professionale o, a onni manera, **cale si siat entidade privada** cun cale si siat forma giurìdica, tando fintzas sas fundatziones e sos assòtzios, **chi tenent sa sea de traballu in ue ant a traballare sos tirocinantes, in su territòriu de sa Provìntzia de Aristanis.**

Sos tirocìnios sunt atividades chi si faghet in aziendas chi sunt in règula e tenent a su nessi unu dipendente a tempus indeterminadu. Su tirocìniu podet èssere fatu fintzas in un'azienda chi non tenet dipendentes a tempus indeterminadu solu si su titolare traballat in su matessi logu in ue si faghet su tirocìniu, a manera de assicurare a su tirocinante azudu e tutela, comente istabilidu dae sa norma.

### INDENNIDADE DE TIROCÌNIU

Sa paga de su tirocinante est de a su nessi € 500,00 a su mese; de custos, 100 € sunt a càrrigu de s'azienda (chi at a dèvere comuncas pagare su RCT e s'INAIL) pro unu tempus de ses meses.

### GRADUATÒRIA

At a èssere fata dende aficu a sos balores propostos pro s'indennidade forfetària mensile de tirocìniu.